

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, generalni inspektor policije Nusret Selimović, (u daljem tekstu Ugovorni organ)

i

„MIBO KOMUNIKACIJE“ d.o.o Sarajevo, Tvornička 3, ID: 4200470540005, koga zastupa direktor Marko Boštjančić (u daljem tekstu: Dobavljač)

zaključili su:

UGOVOR O NABAVCI OPREME ZA PROŠIRENJE SISTEMA „SPARTA“ NOVIM SERVERSKIM SISTEMOM ZA POHRANU PODATAKA

Član 1.

Predmet ovog ugovora je nabavka opreme za proširenje sistema „SPARTA“ novim serverskim sistemom za pohranu podataka (centralni sistem za pohranu podataka - Dell EMC Isilon A200 – 1 komplet; server – HPE DL3600, P19774-B21 – 1 komplet; dijelovi za postojeći HPE DL360 server – HPE P00924-B21, P9D94A – 1 komplet; komunikacioni uređaj – Tip 1 – Cisco Nexus 3172PQ - 2 komada; komunikacioni uređaj – Tip 2 – Cisco Catalyst 1000-16T-2G-L - 1 komad).

Nabavka je izvršena putem otvorenog postupka, na osnovu Odluke broj 02-11-4-3083 od 06.08.2020. godine.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj PON-1277/20 od 25.08.2020. godine i na osnovu koje je, zajedno sa elementima iz tenderske dokumentacije i sačinjen ovaj ugovor.

Član 3.

Ukupna vrijednost ugovora sa uključenim PDV-om iznosi 249.970,50 (dvijestotinečetdesetdevethiljadadevetstotinasedamdeset i 50/100) KM.

Cijena i ostali elementi ovog ugovora se ne mogu mijenjati.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će robu iz člana 1. ovog ugovora isporučiti i instalirati (povezivanje, montaža, migracija isl.) na lokacije navedene u predmetnoj tenderskoj dokumentaciji, najkasnije u roku od 120 (stotinuudvadeset) dana od dana stupanja na snagu ovog ugovora.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. ovog ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog ugovora.

Član 6.

Plaćanje će se vršiti u roku od 30 (trideset) dana od dana uredne isporuke robe i implementacije iste (povezivanje, montaža, migracija isl.), te dostavljanja fakture, na tekući račun Dobavljača.

Član 7.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 8.

Garancija i podrška Dobavljača na isporučenu/instaliranu/ugrađenu opremu iznosi 36 (tridesetšest) mjeseci i počinje da vrijedi od datuma puštanja sistema u rad, po principu 8x5 NBD (next business day), sa lokalnim skladištem rezervnih dijelova. Uključen je pristup tehničkom centru za podršku proizvođača sa mogućnošću preuzimanja novih verzija softvera, tehničke dokumentacije i kreiranja zahtjeva za podršku 7x24h.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 9.

Dobavljač nema pravo zapošljavati, u svrhu izvršenja ovog ovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ovora, odnosno od početka realizacije ovog ugovora.

Član 10.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

Član 11.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 12.

Svaka od Ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

Član 13.

Ovaj ugovor je zaključen, kada isti potpišu obje ugovorne strane i važi do izmirenja dužničko-povjerilačkih odnosa.

Ovaj ugovor izrađen je u 4 (četiri) istovjetna primjerka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
MIBO Komunikacije d.o.o Sarajevo



direktor Marko Boštjančić

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj : 01-098/20
Datum: 14.10.2020

Broj : 02-11-4-3083-6/20
Datum: 06.10.2020. godine